



1. ხელშეკრულების დამდები მხარეები

ერთი მხრივ, ქ. თბილისის მუნიციპალიტეტის მერია (შემდგომში "შემსყიდველი"), წარმოდგენილი ქალაქ თბილისის მუნიციპალიტეტის მერის მოადგილის მაია ბითაძის სახით და მეორეს მხრივ, შპს „გრინსერვისი“ (შემდგომში „მიმწოდებელი“), წარმოდგენილი მისი დირექტორის ლაშა ფურცხვანიძის სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

2.1 ხელშეკრულების (შესყიდვის) ობიექტია - ქალაქ თბილისში, სხვადასხვა ტერიტორიების გასაწვანებლად დეკორატიული ბუჩქების (თანმდევი მომსახურებით - დარგვა) სახელმწიფო შესყიდვა. ინფორმაცია შესყიდვის ობიექტის ტექნიკური მახასიათებლების შესახებ, რაოდენობებისა და ერთეულის ღირებულებების მითითებით მოცემულია მიმწოდებლის მიერ წარმოდგენილ ფასების ცხრილში (დანართი N1), რომელიც თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება - ელექტრონული ტენდერი (აუქციონის გარეშე), განცხადების №NAT180016295.

2.3 ხელშეკრულების საერთო ღირებულება შეადგენს 64 900 (სამოცდაოთხიას ცხრაასი) ლარს, ყველა ხარჯისა და გადასახადის ჩათვლით.

2.4 კლასიფიკატორის კოდი: 03451100 - ნერგები, ჩითილები.

2.5 ხელშეკრულება ძალაშია მხარეთა მიერ ხელმოწერიდან 2019 წლის 31 იანვრამდე.

3. შესყიდვის ობიექტის მიწოდების პირობები

3.1 შესყიდვის ობიექტის (თანმდევი მომსახურებით - დარგვა) მიწოდების ვადა: ხელშეკრულების გაფორმებიდან 2018 წლის 15 დეკემბრის ჩათვლით, ეტაპობრივად, შემსყიდველის წერილობითი დავალების შესაბამისად.

3.2 მიმწოდებელი ვალდებულია დავალების მიღებიდან არაუგვიანეს 14 სამუშაო დღისა უზრუნველყოს ნერგების დარგვის დაწყება, შემსყიდველის დავალებით განსაზღვრულ ტერიტორიაზე.

3.3 შემსყიდველის წერილობით დავალებაში მითითებული იქნება ინფორმაცია მოსაწოდებელი საქონლის (თანმდევი მომსახურებით - დარგვა) სახეობის, რაოდენობისა და მიწოდების ადგილის შესახებ.

3.4 შესყიდვის ობიექტის (თანმდევი მომსახურებით - დარგვა) მიწოდების ადგილი: ქ. თბილისის მუნიციპალიტეტის მასშტაბით, შემსყიდველის წერილობითი დავალებით განსაზღვრული ტერიტორია/ტერიტორიები.

3.4 ნერგი უნდა იყოს კონტეინერში დაფესვიანებული. ფესვთა სისტემა განვითარებული უნდა იყოს ისე, რომ მცენარის ამოღებისას კომი არ იშლებოდეს. ნერგი გამოზრდილი უნდა იყოს სანერგეში.

3.5 მიმწოდებელი ვალდებულია ობიექტზე მომუშავე პერსონალი უზრუნველყოს ესკიზი N1-ის შესაბამისი სპეც-ფორმით. პერსონალი აღჭურვილი უნდა იყოს სპეციალური ხელსაწყოებით, ხელთათმანებითა და სხვა აუცილებელი საშუალებებით.

3.6 საჭიროების შემთხვევაში მიმწოდებელი ვალდებულია უზრუნველყოს ნიადაგის ნოყიერი ნაზავით ორმოს შევსება (ნიადაგის სუბსტრატის პარამეტრები (ქიმიური თვისებები) (დანართი N2).

3.7 სუროს შემთხვევაში მიმწოდებელმა უნდა უზრუნველყოს მცენარის დამაგრება ბადეზე რეზინის რბილი და ელასტიური, მწვანე ფერის სამაგრების საშუალებით.

3.8 იმ შემთხვევაში, თუ გარემო პირობების ან გაუთვალისწინებელი გარემოებების გამო შეუძლებელია ადგილზე მიტანილი ნერგების დარგვა, მიმწოდებელმა უნდა უზრუნველყოს ნერგების შენახვა მომდევნო დავალებამდე ისეთ პირობებში, რომ არ დაირღვეს მცენარეთა სასიცოცხლო ფუნქცია.

3.9 საჭიროების შემთხვევაში მიმწოდებელი ვალდებულია უზრუნველყოს ობიექტზე საგზაო ნიშნების, დამცავი ბარიერისა და საინფორმაციო დაფის მოწყობა.

3.10 მიმწოდებელი ვალდებულია წინასწარ შეატყობინოს და შეათანხმოს შესაბამის სამსახურებთან, საქონლის (თანმდევი მომსახურებით - დარგვა) მიწოდების პერიოდი, რომლებიც იწვევს მოძრაობის შეფერხებას.

3.11 აუცილებლობის შემთხვევაში მცენარეების დარგვისას ორმოს გაფართოვების მიზნით, მიმწოდებელი ვალდებულია უზრუნველყოს არსებული ბორდიურის, ასფალტის ან/და ქვანახვის დროებით დემონტაჟი, ხოლო მომსახურების გაწევის დასრულების შემდგომ ტერიტორიის პირვანდელ მდგომარეობაში მოყვანა.

4. შესყიდვის ობიექტის ხარისხი

4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2 მიმწოდებელი ვალდებულია, ხელშეკრულებით გათვალისწინებული ყველა დარგული ნერგი 100%-იანი გახარებით საბოლოო მიღება-ჩაბარების აქტის საფუძველზე გადასცეს შემსყიდველს ხელშეკრულების დასრულებისას.

4.3 ხელშეკრულების მოქმედების პერიოდში მცენარის გახმობის ან/და დაზიანების შემთხვევაში, მიმწოდებელი ვალდებულია საკუთარი ხარჯებით დაუყოვნებლივ ან/და შემსყიდველის მოთხოვნიდან არაუგვიანეს 5 კალენდარული დღისა უზრუნველყოს მათი ანალოგიურით ჩანაცვლება.

5. ხელშეკრულების შესრულების კონტროლი (ინსპექტირება)

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და გამოცადონ საქონელი (თანმდევი მომსახურებით - დარგვა), რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების

შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის მერიის გარემოს დაცვის საქალაქო სამსახურის პირველადი სტრუქტურული ერთეულის ხელმძღვანელი (საქალაქო სამსახურის უფროსი) ან/და ქალაქ თბილისის მუნიციპალიტეტის მერიის გარემოს დაცვის საქალაქო სამსახურის თანამშრომლები ან/და შემსყიდველის მიერ განსაზღვრული მესამე პირ(ებ)ი.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2 შემსყიდველის მხრიდან მიღება-ჩაბარების აქტების გაფორმებაზე უფლებამოსილი პირია ქალაქ თბილისის მუნიციპალიტეტის მერიის გარემოს დაცვის საქალაქო სამსახურის პირველადი სტრუქტურული ერთეულის ხელმძღვანელი (საქალაქო სამსახურის უფროსი).

6.3 მიმწოდებელი ვალდებულია მიღება-ჩაბარების აქტთან ერთად წარმოადგინოს დარგული მცენარეების იდენტიზაციის (მათ შორის პარამეტრების) დამადასტურებელი დოკუმენტაცია, გაცემული დარგობრივი სამეცნიერო კვლევითი დაწესებულების, სსიპ „ლეკი სამხარაულის სახელობის სასამართლო ექსპერტიზის ეროვნული ბიუროს“ ან საქართველოს ეროვნული ბოტანიკური ბაღის მიერ.

6.4 მიღება-ჩაბარების აქტის გაფორმებამდე მიმწოდებელმა, უნდა წარმოადგინოს ლაბორატორიული დასკვნა შეტანილი ნოყიერი ნიადაგის ნაზავის სატენდერო დოკუმენტაციით (დანართი N2-ის მიხედვით) გათვალისწინებულ პარამეტრებთან შესაბამისობის შესახებ.

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება 2018 წლის ბიუჯეტის სახსრებით, ეტაპობრივად, ფაქტიურად მიწოდებული შესყიდვის ობიექტის (თანმდევი მომსახურებით - დარგვა) შესაბამისად, მიღება-ჩაბარების აქტის გაფორმებიდან 10 სამუშაო დღის განმავლობაში.

7.3 იმ შემთხვევაში, თუ ამ ხელშეკრულების მე-13 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარულ დღეში მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება-ჩაბარების აქტით განსაზღვრული მიწოდებული შესყიდვის ობიექტის (თანმდევი მომსახურებით - დარგვა) ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა შემსყიდველის მიერ დაქვითულ იქნეს, რის შემდეგაც მიმწოდებელს ჩაერიცხება დარჩენილი თანხა.

7.4 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დავიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,2 %-ის ოდენობით.

8.3 ხელშეკრულებით ნაკისრი ვალდებულებების შესრულების ვადის, მათ შორის შემსყიდველის კონკრეტული დავალებით განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0,1 %-ის ოდენობით.

8.4 ხელშეკრულების შეწყვეტის შემთხვევაში, მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 10 (ათი) კალენდარული დღის ვადაში.

8.6 თუ შემსყიდველი არ ასრულებს წინამდებარე ხელშეკრულების მე-7 მუხლის 7.2 პუნქტის მოთხოვნებს, მიმწოდებელი უფლებამოსილია დააკისროს შემსყიდველს პირგასამტეხლო, მიმწოდებლისათვის ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

8.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულების შესრულების ვადის 5 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას მათ შორის, შესაბამისი წლის ადგილობრივი ბიუჯეტით არ იქნება გათვალისწინებული აღნიშნული სახელმწიფო შესყიდვისათვის საჭირო ფინანსური რესურსი.

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შედგენილები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობის და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოანახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. ღირებულება

12.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

12.2 მხარეთა შეთანხმებით დასაშვებია ხელშეკრულების ღირებულების შეცვლა.

12.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით, სადაც გაგზავნილი შეტყობინება/დაკვეთა ჩაითვლება ოფიციალურ დაკვეთად. შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. ამასთან ტელეფონით დაკვეთის შემთხვევაში მიმწოდებელს 24 საათის განმავლობაში ჩართული უნდა ჰქონდეს 13.2 პუნქტში მითითებული მობილური და ქალაქის ტელეფონის ნომრები.

13.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტაქტო პირი: ბ-ნ ლაშა ფურცხვანიძე, მობილური ტელეფონის ნომერი 595-35-50-76; ელექტრონული ფოსტა: info@greenservice.ge.

ბ) შემსყიდველის შემდეგი რეკვიზიტები: საკონტაქტო პირი: ქ-ნ ნინო კოსიაშვილი, მობილური ტელეფონის ნომერი 557-71-56-70, ელექტრონული ფოსტა: n.kosiaashvili@tbilisi.gov.ge.

13.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

13.4 შეტყობინება შედის ძალაში ადრესატის მიერ მისი მიღების დღეს.

14. სადაო საკითხების გადაწყვეტა

14.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

14.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

14.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. სხვა პირობები

15.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

15.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

15.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

17. მხარეთა იურიდიული რეკვიზიტები

შემსყიდველი:

ქალაქ თბილისის მუნიციპალიტეტის მერია
მის: ქ. თბილისი,
ქ. შარტავას ქ. №7
სახელმწიფო ხაზინა
კოდი: TRESGE22
ა/ა № GE24NB0330100200165022
ს/კოდი: 204521794

მიმწოდებელი:

შპს „გრინსერვისი +“
მის: ქ. თბილისი,
დიდი ლილო
სს „თიბისი ბანკი“
კოდი: TBCBGE22
ა/ა № GE16TB7745236040100001
ს/კოდი: 406030370

ქალაქ თბილისის მუნიციპალიტეტის მერის
მ. ბიტიძე

შპს „გრინსერვისი +“ -ის
დირექტორი

ლ. ფურცხვანიძე



ფასების ცხრილი

№	დასახელება	Cl.	განზომილება	რაოდენობა	ერთეულის ღირებულება (ლარი)	საერთო ღირებულება (ლარი)
1	სურო (<i>Hedera helix 'hibernica'</i>) - მცენარეს უნდა ჰქონდეს არანაკლებ 5 თანაბრად განვითარებული ღერო; მცენარის სიმაღლე არანაკლებ 3 მ.; ორმოს ამოღება 0.5მX0.5მX0.5მ.	clt 18	-	200	192.00	38400.00
2	პრიალა მახველი (<i>Viburnum lucidum</i>) - მცენარის სიმაღლე არანაკლებ 1,5მ.; მცენარის დიამეტრი მიწის პირიდან 0.2 მ სიმაღლეზე არანაკლებ 0.8 მ.; გარშემოწერილობა 2.5 მ.; ორმოს ამოღება 0.5მX0.5მX0.5მ	clt-30	-	50	251.00	12550.00
3	იულის კოწახური (<i>Berberis Julianae</i>) - მცენარის სიმაღლე არანაკლებ 0.6 მ. დიამეტრი არანაკლებ 0.6 მ; არანაკლებ 6 თანაბრად განვითარებული ღერო; ორმოს ამოღება 0.5მX0.5მX0.5მ	clt-9	-	55	98.00	5390.00
4	დიდეყვავილა აბელა (<i>Abelia grandiflora</i>) - მცენარის დიამეტრი არანაკლებ 0.8 მ.; მცენარის სიმაღლე არანაკლებ 0.8მ, ორმოს ამოღება 0.5მX0.5მX0.5მ	clt-30	-	50	91.00	4550.00
5	პრიალა ცხრატყევა (<i>Lonicera nitida</i>) - მცენარეს უნდა ჰქონდეს არანაკლებ 10 თანაბრად განვითარებული ღერო; მცენარის დიამეტრი არანაკლებ 50 სმ.; მცენარის სიმაღლე 50 სმ; ორმოს ამოღება 0.5მX0.5მX0.5მ	clt-9	-	55	58.00	3190.00
6	ნიადაგის ნოყიერი ნაზავი	-	ა3	20	41	820.00
სულ ჯამი:						64900.00

შპს "გრინსერვისი+"-ს დირექტორი:

/ლაშა ფურცხვანიძე/



ორგანული სუბსტრატის პარამეტრები



ქიმიური თვისებები

№	შემადგენლობა	განზომილება	MIN.	MAX.
1	მოძრავი აზოტი N	მგ/კგ	70	160
2	მოძრავი ფოსფორი P ₂ O ₅	მგ/კგ	25	90
3	გაცვლითი კალიუმი K ₂ O	მგ/კგ	250	600
4	არეს რეაქცია PH	ph	6	7,5
5	კარბონატური CaCO ₃	%	0	5
6	ჰუმუსი	%	4	8

მექანიკური შემადგენლობა

1. ფხვიერი მასა, უნდა იყოს გაცრილი, არ უნდა ერიოს ქვები
2. ნოყიერი ნიადაგი 40-60%
3. ორგანული მასა 10-30%
4. მდინარის ქვიშა, 0-5 მმ ფრაქცია 10-20%

ესკიზი №1



ხელწერილი
ინტერესთა კონფლიქტის არარსებობის შესახებ

ქ. თბილისი

13.11.2018 წელი

ქვემოთ ხელის მომწერი ვადასტურებ, რომ ქალაქ თბილისში, სხვადასხვა ტერიტორიების გასამწვანებლად დეკორატიული ბუჩქების (თანმდევი მომსახურებით - დარგვა) სახელმწიფო შესყიდვის მიზნით გამოცხადებულ ელექტრონულ ტენდერში (აუქციონის გარეშე) (სატენდერო განცხადება: NAT180016295) ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ტენდერში მონაწილეობით ინტერესთა კონფლიქტში არ ვიმყოფები.

ქალაქ თბილისის მუნიციპალიტეტის მერის მოადგილე

მაია ბითაძე



ხელწერილი
ინტერესთა კონფლიქტის არარსებობის შესახებ

ქ. თბილისი


13.11.2018 წელი

ქვემოთ ხელის მომწერი ვადასტურებთ, რომ ქალაქ თბილისში, სხვადასხვა ტერიტორიების გასამწვანებლად დეკორატიული ბუჩქების (თანმდევი მომსახურებით - დარგვა) სახელმწიფო შესყიდვის მიზნით გამოცხადებულ ელექტრონულ ტენდერში (აუქციონის გარეშე) (სატენდერო განცხადება: NAT180016295) ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ტენდერში მონაწილეობით ინტერესთა კონფლიქტში არ ვიმყოფებით.

შემსყიდველის მხრიდან ხელშეკრულებით ნაკისრი ვალდებულებების შესრულების კონტროლი (ზედამხედველი):

ქ. თბილისის მუნიციპალიტეტის მერიის გარემოს დაცვის საქალაქო სამსახურის მწვანე ლანდშაფტის დაგეგმარების განყოფილების პირველი კატეგორიის უფროსი სპეციალისტი

ნინო კოსიაშვილი



ქ. თბილისის მუნიციპალიტეტის მერიის გარემოს დაცვის საქალაქო სამსახურის მწვანე ლანდშაფტის დაგეგმარების განყოფილების მეორე კატეგორიის უფროსი სპეციალისტი

ელიკო გვარამე

